

四庫全書

史部

欽定四庫全書

史部

雲南通志卷二十九之十四

詳校官給事中臣李臺

刑部郎中臣許兆椿覆勘

總校官知縣臣楊懋珩

校對官典簿臣汪日贊

謄錄監生臣姜今熙

欽定四庫全書

雲南通志卷二十九之十四

五言排律

唐

詔放雲南弟子還國

鄭洪業

德被陪臣子仁垂聖主恩  
雕題舞鳳闕丹服出金門  
有澤沾殊俗無征及犍犍  
銅梁分漢土玉壘駕鸞軒  
瘴嶺蠻叢盈巴江越萬里  
方同感化豈獨日南藩

元

碧雞山

宣慰使 張雄飛 臨沂

北闕辭丹鳳南雲看碧雞  
紫苔移玉座瑤草濕金泥  
雨霽龍歸洞風生虎渡溪  
尋梅穿竹徑採藥躡松梯  
白日依山盡青山入海低  
寄書無雁過擇木有猿啼  
花映高低樹園分遠近畦  
飛星馳寶馬沉水吐銀猊  
魚戲蓮房北鷗鳴荻渚  
西長歌漢頌罷刻石紀新題

明

石屏道中

僉事

歐陽旦 安福

地瘴天愈熱風開日乍晴  
青山迎去馬綠樹引行旌  
畝苗初長陂塘水欲平  
花因成子落鳥為戀雛鳴  
遠近田家舍參差野戍營  
牧童偷李實山女賣松明  
載米人趨市傳餐婦餉耕  
土夷頻問種野草亦詢名  
紫石函端硯香茶勝雪坑  
偶然得心趣石隙一泉清

遊石寶寺

楊慎 見前

迴澗數峯合叢篁一徑斜  
翠氛林蔭日斑漚碧橫  
霞石

棧重懸閣雲亭半蔽花  
蕩傾警燕雀窟迴錯龍蛇昏曉  
更天界陰陽窳物華檀施象數著  
幻巧鬼工奢千尺胃  
羅幕雙堆擁玉髻厨人羹綠笋  
溪客飯胡麻單袂春身  
健空山雨後譁諸天人不到來往  
白雲車

遊崇聖寺

塵劫非人境烟霞是佛都  
山開銀色界海湧玉浮圖  
追蠡形猶壯伽藍跡已無  
經函飄粉蠹畫壁剝天吳  
零雨頽牆草驚風廢井梧  
禪心隨夜寂旅望對秋孤  
遠目窮

千里傾懷倒百壺  
狂歌意無極感此歲云徂

九鼎寺

路遶羊腸轉雲從馬首開  
半崖交草樹絕壁倚樓臺  
碧澗聞幽玉丹邱問劫灰  
佛緣甘苦寂僧行厭喧  
逐野鹿銜花過山禽薦果來  
獨耽塵外趣人世莫相猜

蒼洱紀行十八韻

提學方 沆 莆田

褰帷望不極載索復西征  
衆壑陰晴異長洲草木平  
人稀餘燕雀野曠絕鼃鼃未遂  
初衣賦空懸攬轡情烽烟

無夜吠禾黍殷秋聲  
驄馭行看遍雞峯  
舊有名捫蘿神

霧合支策洞雲迎  
逸興王猷得高才  
季重并

時王虞卿  
吳原豫二

憲使  
同遊

披襟靈鷲嶺  
息駕葉榆城  
杞菊寒生態  
松筠晚結

盟俄驚霜鬢短翻訝一陽萌  
映帙迴斜照移罇對落英  
西南滇萬里禮樂魯諸生  
搖筆風堪變羈心歲屢更鄉  
書鴻渺渺交誼鳥嚶嚶  
步屨孤亭爽焚香百願清泉流  
來枕簟山色到檐楹  
更憶高陽伴歸歟采杜蘅

溫泉

謝肇淛

見前



靈砂蒸地脈，暘谷沸成湯。孤館雙巖削，寒塘半畝方。優曇非有種，豈蕊自生香。砌玉迎苔碧，騰烟射日黃。醉應眠水底，間可泛溪旁。纓以無塵淨，心從不垢涼。滑增紅膩玉，色沁綠沉槍。秋水含朱女，清風傳粉郎。難投夏浦佩，且宿贊公房。回首當城下，淒然憶故鄉。

茶花百咏

鄧 漾 見前

滇茶甲海內，種類之繁至七十有二。其在省城內外者尤佳。予以庚戌歲按部事竣，駐省候代時值冬末春初，此花盛開，名園精舍間獲寓目。燦日蒸霞，摛文布繡，火齊四照，雲錦成帷。信天壤之奇觀。

品物之鉅麗也昔人謂此花有七絕予以為未盡  
厥美有十德焉色之艷而不妖一也樹之壽有經  
二三百百年者猶如新植二也枝幹高竦有四五丈  
者大可合抱三也膚文蒼潤黯若古雲氣罇壘四  
也枝條黝斜狀似麀尾龍形可愛五也蟠根獸攫  
輪囷離奇可屏可枕六也豐葉如幄森沉蒙茂七  
也性耐霜雪四時常青有松柏操八也次第開放  
近二月始謝每朵自開至落可歷旬餘九也折入  
瓶中水養十餘日不變半吐者亦能開十也此皆  
他花所不能全者因考唐人以前此花獨不經題  
咏以僻遠故不通中土遂使奇姿豔質淪落無聞  
近代有作率多不能為此花傳神暇日因戲為百  
咏詩一首牽綴比擬未免兒態庶幾  
為此花吐氣傳之四方或有採焉

徧檢古人句山茶未得名形容應有待品價似難輕此

地本炎德在天疑火精芳菲迎暮歲爛熳及元正宜壽

如山木

莊子  
篇名

經霜似女貞柔條牽百丈老幹倚孤撐美

蔭團松蓋新莖怒竹萌重葩翻蔽葉歧蒂總依莖接植

人工巧

土人植茶法用兩  
樹相接花始繁盛

開先品物亨光華分若木肌

理細殷檉疊萼曾承露豐苞獨嚮明叢深疑避蝶春淺

未聞鶯次第開偏久交紛壓恐傾巨於瓌碧醜圓若紫

繁纓韞綬交垂綵綃紈乍染頰紅膚時綻甲赤色合居

庚按譜遺金谷邀歡卽錦棚流雲相照映射日更光晶

篋啓紅羅纈餐分紫石瑛摘鬚嫌斷線接蕊愛連瓔覽  
德冠稱鳳能言喙屬鸚火齊銜粉壁舍利到金罌道士

霞為帔佳兒錦作綳枝枝經纂組朶朶薦璣璵漢苑裁

何得隋宮翦不成深宐藏翡翠艷欲惱鵝鵲

摯虞鵝鵲賦見水則

喜晴火則憂

步障褰華薄艷能展絳英影懸金較帶汗落錦

斑駁似燄噓丹竈為霞燒赤城深元同燕燕點血類猩

猩繡羽懸雕籠朱輝發短檠霜林搖翠葆海日浴金鉦

錦水徐鄰浪喬雲不作寰紅毬分綵索朱芾間葱珩柳

絮空傷媚芝房詎足正稱名根野莽奪色妬山櫻蓮或

羞泥汙葵空向日誠珠離酒泉柰蜜剖楚江萍質本堅

蒲柳香無取杜蘅道旁徒樹李庭院枉栽荆乍可蘭為

友誰言棣是兄繽紛異紅藥憔悴惜朱羸菊名逾月遲棠

落終朝惜薜榮古詩薜榮不終朝詎稱霜挺桂天台山賦八桂森挺以凌霜

何事雨移橙杜詩嘉種雖分部茲花合主盟杜鵑殊不

類二芳記以杜鵑花配山茶鵑鳩敢先鳴的皜披林影菲微散曉晴

後彫仍早放霧繞更烟縈閩婢空慚賤金鳳花楊妃別有

情別種有楊妃山茶寶珠光自溢磬口韻猶清枝愛垂絲軟心

憐捲瓣生蝶翎看墜粉鶴頂似含瓊茶品之貴者有寶珠磬口軟枝分心

捲瓣蝶翅粉鶴頂紅諸名一種皆稱美羣芳孰與爭嬌姿長似寤姱

質更如停露下啼粧泣風前舞態呈施朱嫌太赤頰玉

未辭醒倏似顰容斂遙當笑靨迎口脂香澤傳眉黛遠

山橫合德偕宜主娥皇儷女媧令人疲應接有客更屏

營倚處慚形穢看時恐目盲道德經五色令人目盲每當春澹蕩

及此歲崢嶸節候佳南詔繁華匹上京深紅間淺紫布

谷復彌阮旭景宜蘭若霞鋪駭楚愴紛敷彌繡野徒植  
近雕甍竊慮霜威入思將夏屋帡窺垣恒寂寂隔水更  
盈盈早沐緋衣賜偏宜素腕擎助嬌斜寶髻充耳當瓊  
瑩賞玩須歌伎吹噓借墨卿招搖多伴侶感愴易慙惻  
天女貪分供園丁差價贏每歲元日市賣此花供佛紅紫溢目出門逢巨  
麗曳杖陟嶢崢婀娜隨烏帽飄颻墮兒觥杯盤狼藉列  
車馬往來偵曉駐浮雲蓋宵移玉柱箏佳人理釵釧貴  
客駐干旌競作尋花使寧辭醉酒錯夷謳徵穆護曲調

擬清平舞袖淹同坐纏頭費從伶攀留思遠道折贈付  
來伴不遇神農錄空留姚魏聲紅顏銷瘴癘珍品失寰  
瀛安得移中土猶堪慰此行熨童應見慣楚客易心驚  
幾樹臨官舍三年慰旅程有時還獨倚竟日但空瞪盛  
極憂衰至憐深與恨并物華虛冉冉此意自怍怍坐撫  
琴三弄閒消酒一盛眠須攜枕簟狂或繞簷楹相賞無  
知已餘酣對老兵何心思北土有賦侈南征感處人千  
里吟當月五更未須怨搖落終許伴幽貞暗覺鄉園近



深嗟世網嬰，愁含狀草木。桂海志虞衡，逸史竒應續。新  
詩暇自賡，屬辭深比興。從此定佳評。

叮噹山

鄧原岳 見前

灌木千章合，巖花三月深。泉聲盤嶺急，雲氣結林陰。駐  
幘方危磴，褰帷復遠岑。嵐光添秀色，靈籟發清音。不盡  
搜羅興，其如汗漫心。計程無百里，問徑有千尋。臃腫圍  
竒樹，輟輟語怪禽。未須愁瘴癘，頗已愜登臨。西塞狼烟  
定，南天雁羽沉。嘯歌還不廢，聊此散煩襟。

七言排律

明

平彝老人

副使  
何景明 汝南

平彝老人髮兩肩  
哀哀訴語淚如泉  
歲收斗粟輸田賦  
日向諸鄰乞米錢  
風雨饑寒趨路側  
子孫流落避兵年  
青春有伴難還土  
白首無家尚戍邊  
官裏征徭何日已  
軍中苦樂古來偏  
魂驚戰鼓心猶怯  
背中飛弧肉盡穿  
獨去負戈尋夜砦  
誰來銷甲種春田  
敢愁溝壑填衰謝

只擬封疆息燧烟我願麾前法唐將籌邊有策到今傳

春集天臺寺何大叅宿巖適至

李元陽

見前

暖律初交霜雪微春光湖色兩依依明帆幾點碧波淨  
弱柳千條綠草肥羅綺風輕嬌麗日鞦韆影轉逗斜暉  
當年修禊追同好分日遨遊願不違古壁丹青窺澗戶  
春城車馬競山扉九微蝕柱標唐蹟諸葛荒臺帶漢威  
檀界輕烟香細細溪橋小雨白霏霏詞臣節自蓬山下  
王母鸞從玉遂飛但見景光前度似卻嗟筋力近來非

芳時郊野烟花簇盛代山河錦繡圍不有君恩許疎放  
豈堪消受芰荷衣

本朝

摩蒼山次韻

舉人徐崇岳保山

十里烟巒紫翠蒙攜來清夢許君同石能生月寒如雪  
松欲挈空韻在風鐘歇定僧眠正穩茶香半偈聽初終  
王郎砍地猶酣酒安道逢人已碎桐蹈海幾年空憤世  
盟山此語實由衷佳人化石情何極處士妻梅事可通

三笑好添溪水上一筇先指洞雲中不須更問藏書處  
家住摩蒼東復東

五言律

唐

南中寄皇甫侍御

主簿

賈島 范陽

曉鐘催早朝自是赴嘉招舟泊湘江闊田收楚澤遙雁  
驚起衰草猿渴下寒條來使黔南日時應問寂寥

送雍陶入蜀

江山事若諳那肯滯雲南草色分危磴杉陰近古潭日  
斜褒谷鳥夏淺雋州蠶吾自疑雙鬢相逢更不堪

送裴璋還蜀

刺史雍陶成都

家在劍南外新年音信稀自為千里客已送幾人歸陌  
上月初落馬前花正飛離言殊未盡春雨濕征衣

明

晚入五華山

訓導胡粹中山陰

向晚歸幽寺明霞飛遠林四山新雨歇一徑綠苔深松

老齋僧臘泉鳴扣梵音塔前兩馴鹿去住任禪心

望楊林澤

布衣  
蘭茂  
高明

秋水涵空闊登樓雨霽時山低月上早風細浪生遲鳧  
鴈棲難定魚龍勢莫窺何人舟一葉撐破碧琉璃

滇南即事三首

都督  
沐璘  
定遠

自昔梁州域西南路盡通碧雞名岫遠金馬故關雄羅  
婦裙花布蒲蠻臂柘弓聖恩同覆載處處樂時豐

漫說滇南俗人民半雜夷管絃春舍早燈火夜街遲問

歲占雞骨禳凶瘞虎皮輜車巡歷處時聽語侏僂

萬山藏古砦六詔雜諸蠻棘女頭籠帽番僧耳墜環啖  
蛇傳土俗屠犬祀神姦更有西戎種輕生性最頑

天井舖

童軒

見前

偶坐炎方客來披六月裘山高赤日薄樹老白雲留聽  
瀑全疑雨臨風絕勝秋煩心如到此何必玉壺遊

鶴慶道中

巖深多險阻馬足正凌兢暝雪依巢鳥斜陽歸寺僧林



疎鳴敗葉澗古積堅冰去去無辭遠荒山又幾層

遊十九峯深處

土知府木公麗江

探幽遠入林僻徑轉難尋雲漏斜暉影山藏古雪陰  
蘿懸樹密潭水出磯深此地無人到寒猿日自吟

高峽登舟

閃應雷永昌

湖光三百里一棹界中流碧漢銜波動青山拍鏡浮  
葦烟迷鷺渚篙月掛漁舟不待逢搖落蕭蕭六月秋

滇池泛舟見新鴈

楊慎見前

忽見行行鴈來應自故鄉天涯多少路雲際幾番霜  
滇水饒葭芑禺山足稻梁金河爾休戀無限塞弦張

圓通寺

夏言 見前

古寺翠崖陰危亭絕頂臨鶴巢松有夢雲出岫無心仄  
徑攀蘿上叢臺刻竹吟南蠻秋日暝哀響合猿吟

懷古

副使 萬嗣達

險箐維千里重關抱九隆流沙神禹跡越析舊唐封  
蜃氣蛟河重龍珠鶴嶺雄萬年當鎖鑰一柱表崆峒

移石亭草

土知府木青麗江

萬松深窈處獨構此茅廬  
劓地移新竹通泉溜水渠  
琴書常作侶木石與為居  
笑殺求名者磻溪一老漁

過蒲陀崆

叅政姜忻南昌

蒼洱西頭路秋來幾往還  
一村三渡水十里九重山  
僧寺多依嶺人家半雜蠻  
廿年成底事巖險苦躋攀

龍尾關天生橋

方沆見前

蒼嶺青未了寒烟野戍平  
危梁通地脈削壁類天成  
霜

色孤鴻暝濤聲萬馬行昔年曾割據形勝控榆城

過蒲陀崆觀洱河源

尋源聞黑水百折此山隈鳥道雙旌轉陰崖一線開奔  
濤疑聚雪觸石忽喧雷為別東流性南溟去不回

白水驛和魏道中韻

大學士張瑞圖 晉江

策馬臨荒甸前旌度渺茫空山足霧雨絕徼異陰陽處  
暑偏衣冷方秋覺夜長亦知行尚遠未敢念江鄉

本朝

滇南雜興

編修史申義江都  
典試

漢室兩司馬遙持使節臨江山有文彩兵甲已銷沉鸚  
鵡千山語檳榔萬樹陰賦心兼史筆才藻入清襟

賓居曉發入蕉谷

知府黃元治徽州

野空多宿靄日出破寒陰馬首芭蕉谷人聲橘柚林溪  
迴茅屋角路繞蔗田心折過黃沙阪僧鐘下碧岑

觀風日再示諸生

鄂爾泰見前

帖括元何事飛騰道在茲未能甘泯沒那得任支離賓

主禪宗偈色緣孝女碑汝曹須努力冠劍及明時

登太和宮

俗名銅瓦寺鑄銅為殿環築甕城明撫軍陳用賓偕沐公喬孫創建時勸農東

郊抵般羅村因而就登焉

迎仙橋

入山處也畔路鸚鵡即此山度驂駢細逕盤高躅橫

枝掠健衣一行奉時令小駐仰仁威

殿額名銅瓦功勳碣

摩挲認夕暉

同楊凝齋先生藩署觀荷

一勺碧波瓊紅衣白羽齊臨風標淨質出水濯淤泥翡翠

翠吟隨影鴛鴦蓋被堤豁然

亭名

對君子徒倚夕亭西

九日海天閣

秋氣鬱佳哉秋鴻歸去來百年原是客萬里獨登臺黃  
葉寺前雨茱萸江上杯海天際寥濶搔首矚林隈

聞雁

故國霜前雁驚聞夜唳秋何來寄書信此去少蘆洲矧  
弋寧長避飛鳴不暫休衡陽輕萬里愧爾稻梁謀

登署中卷石亭

按察常安滿洲

縱目無餘地登臨有此亭振衣盤石磴着屐破蒼冥一  
水連雲白四山入座青舉頭南極近直對老人星

過小關嶺

知州夏治源漢陽

北伐先南入雄關抵劍門干城蜀將相坏土漢乾坤豈  
是粗安計須知七縱恩千年征戰地古柏至今存

宿迷渡

知縣田榕玉屏

夙昔知津客今宵歎渡迷路遙黑纓北山亂白崖西古  
瓦翻松鼠荒林叫竹雞眼看春盡處一問小偏提



麗江雜詩二首

倪蛻

松江

晚街分鬼市蠻婦雜雌聲屋小皆甌脫人稀半寄生通  
番俱有路設險竟無城辛苦防邊計年年卒踐更

纂譜從秋葉追原自古年頗疑天女誕或信麥宗賢漢  
詔猶蠻觸元官卻世延從來經國事遠御有微權

七言律

唐

都慶觀

御史  
杜光庭

縉雲

三山一一駕紅鸞仙去雲間遠古壇煉藥舊臺空處所  
掛衣喬木兩摧殘清風嶺接猿聲近白石溪涵水影寒  
二十四峯皆可隱振纓長往亦何難

鴻都觀

亡吳霸業已功全深隱雲林始學仙鸞鶴自飄三蜀駕  
波濤猶憶五湖船雙溪夜月鳴寒玉衆嶺秋空斂翠烟  
也有扁舟歸去興故鄉東望思悠然

元

題河尾關驛壁

喬堅

蒼峯千丈玉槎牙  
錦樹模糊噪晚鴉  
濁水難將明月浴  
好山多被亂雲遮  
村江日落人爭渡  
旅店年豐酒易賒  
可是炎方風景別  
深冬開遍野桃花

明

通海湖

布政  
韓宜可  
山陰  
謫戍

江寒鳧鴈集汀沙  
半掩柴門夕照斜  
洞口烟嵐連野燒  
城頭鼓角雜寒笳  
猿聲常嘯林間月  
鴉背輕翻樹杪霞

幾度扶筇翹首望青山隱隱隔天涯

送胡榿軒還永昌

都督冰 昂定遠

有客乘驂過洱西平原春草正萋萋人烟迢遞連金齒  
山勢逶迤拱碧雞流水小橋楊柳綠落花微雨鷓鴣啼  
遙知別後相思處雲樹蒼茫夢欲迷

和建文帝作

編修程 濟續漢  
從七

吳霜點點鬢毛侵不改惟餘匪石心作客歲寒應自久  
避人巖壑未曾深龍蛇追逐知心少魚鴈依稀遠信沉

回首金陵悲往事短筇高岫一登臨

遊太華

潘仁和州

天風吹鬢酒初醒太華峯頭且共登山色慣迎逃世客  
水聲常送渡溪僧定中雲去龍生鉢夢裏猿啼月在藤  
最愛石窻風雨過蚤涼先到讀書燈

太華寺

郭文見前

晚晴獨倚梅檀閣煙景蒼蒼一望開湖勢欲浮雙塔去  
山形如擁五華來仙遊應有飛空鳥僧去寧無渡水杯

不為平生仙骨在安能得上妙高臺

遊無為寺

沐璘見前

白石磷磷積翠巒林花深處有茅庵煮茶迎客烟生竈  
斲筍出山雲滿籃香爇龍涎清沴氣壁懸塵尾罷禪談  
野禽不斷人來往驚觸崖花下碧潭

漾備道中

童軒見前

十載馳驅不暫休又銜君命到南陬蟬細雨疎槐晚  
疲馬西風落葉秋萬里有家恒作客一官多累漫成憂

百年事業知何在  
辜負滄浪舊釣舟

拱華樓

大學士楊一清 安寧

螳水潺潺不斷流  
白雲芳草帶斜舟  
坐來山色無餘地  
占盡風光是此樓  
雞嶺夕陽高樹合  
石橋新雨落花稠  
也知看竹須乘興  
不用東君掃榻留

樓山夜宿

御史張西銘 寧州

寒巖絕壁宿深秋  
悵望遙空動客愁  
啼鳥按更山月缺  
殘燈映榻野螢流  
蹉跎歲月悲雙鬢  
寂寞風烟老一裘

今日褰裳辭舊侶似聞笙鶴過高樓

九日黔國後園

何景明

見前

何處風煙消客愁將軍臺榭枕山邱一年又過重陽日  
兩鬢空悲萬里秋水國陰多寒已至炎方霜後瘴初收  
憑高欲送登臨眼更上池邊百尺樓

蘭滄江

朱應登

見前

千尋鐵鎖貫長橋積翠浮天萬壑遙人向中流看砥柱  
路從平地入峒堯未論文教開荒服已見蕃王款聖朝



鳥語花明迎使節  
蘭滄江上瘴全消

水目寺

閃應雷

見前

此水相傳卓錫泉  
不知宮殿自何年  
殘碑半護雲山冷  
古木平臨海日偏  
曉起烟霞迷下界  
夜深鐘磬落諸天  
我來佛座曇花側  
萬壑松風拄杖邊

登繡嶺望點蒼山口占

山行盡日雲霄裏  
天際俄開十九峯  
立馬乍疑青漢接  
振衣翻覺翠烟重  
垂垂銀溜千崖雪  
颯颯晴濤萬壑松

勝槩可容圖畫得不禁清嘯墮芙蓉

百花寺

郎中滕檣永昌

石澗東風百種花  
百花深處見僧家  
鳳溪遶屋分晴靄  
鷲嶺當窻落綺霞  
深苑雨餘留鶴跡  
小園日夕散蘂衙  
前村後寨皆蒲蕝  
競向新春摘茗芽

觀寧湖躍珠

楊慎 見前

手挈青絲白玉壺  
青山遊遍屬狂夫  
靈峯樹繞雲千壁  
此谷花深雪滿湖  
龍女鏡中梳石髮  
鮫人波面擲明珠

揮毫卻憶十年事  
醉掃烟綃看水圖

謁二忠祠

學士文章懸日月  
尚書劍履上星辰  
九原松柏香臺夜  
雙廟莓苔影座清  
山鬼笑寒薜荔  
海童奔走薦芳蘋  
經過此地同揮淚  
况是江湖放逐臣

昆明遠眺

昆海波濤南紀雄  
金碧洗漾銀河通  
平吞萬里象馬國  
直下千尺蛟龍宮  
天外烟巒分點綴  
雲中海樹入空濛

乘槎破浪非吾事已斬漁竿狎釣翁

海寶寺

客行頻過古寧州此地初尋海寶遊  
漁父帆檣船作宅仙人臺榭石為樓  
峯頭擬見長安日濯足真誇萬里流  
圖畫眼前看不盡蓬瀛物外祇須求

春興

最高樓上俯晴川萬里登臨絕塞邊  
碣石東浮三絳色秀峰西合點蒼烟  
天涯游子懸雙淚海畔孤臣謫九年

虛擬短衣隨李廣漢家無事勒燕然

李君偕過臯橋言別

沙門草閣對漁舟坐俯昆池萬里流  
蕭索暮途猶浪迹登臨暇日豈銷憂  
阮公失路誰青眼江令還家尚黑頭  
行見羣英滿青瑣寧忘一老在滄洲

蘭滄橋

張佳印見前

疊嶺遙知萬馬愁蘭津西渡赤虹浮  
鼉鼉駕浪聲齊動烏鵲飛梁影並  
收纜束長江標絕壁天懸雙鏡照中流

當時漢卒勞歌地翻令於今作壯遊

寄楊升庵八首

張含見前

東觀聲名北斗齊鳳凰踪跡戍雕題八千里外潮陽馬  
十九年來海上羝銅柱蒹葭鴻雁響鐵城烟雨鷓鴣啼  
連宵數有懷人夢記得分明錦水西

劍閣星橋久滯還當歌對酒轉愁顏錦江雲鎖金花寺  
滇海波搖玉案山春盡中園啼鳥急草添斜浦宿鷗閒  
好吹黃鶴仙人笛莫駕青牛柱史關

錦城逐客棲滇國綠樹青霞遶戍樓字學名家推郭璞  
剡溪高興屬王猷極天關塞歸星迴深夜江湖遠夢浮  
二十四年金馬路海風山月不勝秋

常於詞賦慕相如獨坐茅齋讀子虛觸眼塵埃隨燕雀  
憂時肝膽對樵漁猿啼巫峽遙牽淚雁過衡陽不寄書  
留滯烟波滇海客秋風秋雨十年餘

黃菊風微過草亭白醪香滿勝湘醪丁年去國憐蘇武  
投老還鄉羨管寧金馬樹寒清鶴夢蠶叢雲起見龍形

虹橋北望傷心地江上雙峰晚更青

豪吟金馬復連然搨盡韋郎五色牋海上風烟俱作客  
天涯雲物自相憐松涼月坐華亭寺花暖春遊碧玉泉  
一別昆明池上路滔滔流水八經年

天涯踪跡歎殊方離夢中宵極渺范子厚音書連百越  
屈原詞藻遍三湘青山落日江湖白赤塞愁烟樹木黃  
花隱禪宮孤月夜遲君同卧贊公房

二十三年滇海上此生端合老江湖碧雞金馬瘴鄉遠



紫鳳蒼龍雲闕孤雪盡終歸典屬國詩成亦有輞川圖  
淹留已覺并州好莫嘆南荒歲月徂

題太華寺一碧萬頃樓

滇國地形惟此最青霄樓閣迴招提山圍雉堞籠金馬  
海撼龍宮浴碧雞雲裏鶴巢松樹遍風前仙梵雨花迷  
諸天不在藤蘿外中夜起看星宿低

遊烏充山

僉事 王廷表 阿迷

露泣幽林鳥語譁  
鶯披石逕入雲賒  
嵯峨遠削三峰玉

爛熳叢開二月花  
過嶺醉臨丹鳳穴  
倚天晴見赤城霞  
振衣策馬仙源近  
芝畹橋邊日影斜

崇聖寺

給事中  
楊士雲 太和

岑樓無礙倚虛空  
檻外平鋪十九峰  
霸業三分非漢鼎  
佛都千載有唐鐘  
林端細雨浮山黛  
天際微風變水容  
冠蓋於今能盡賦  
揚雄偏得號詞宗

湖中三島

副使  
曹 逵 太倉

烟海茫茫水接天  
小舟飛渡夕陽前  
雲開列嶂看山遠

風入孤帆引浪偏  
沙鳥不驚成獨睡  
崖花相覩競芳年  
來遊不盡江湖興  
再向溪橋上酒船

海潮寺

同知許子言 石屏

凌風鼓棹趁春遊  
直上蓬萊第一洲  
山色翠交湖外樹  
波光涼浸日邊樓  
晨鐘雨過聲猶濕  
畫棟雲飛勢若浮  
登眺頓忘歸思晚  
漁歌韻落海天秋

秋遊元珠觀

參政梁佐 大理

七月九日風露涼  
攜壺繫馬山之陽  
巖花池草各幽趣

霧殿雲廊總異香  
鶯妬碁殘聲亂落  
鶴眠茶熟夢初長  
道人指點元珠竅  
一黍中懸萬鏡光

滄江懷古

舉人 馬繼龍 永昌

孤江鐵索跨長虹  
鳥道從天一線通  
樹響龍來陵谷雨  
山空猿嘯石樓風  
百蠻南詔襟喉地  
萬木荒祠鼓角中  
象馬何年歸貢賦  
土人猶說武侯功

天風海濤樓

知府 楊仲瓊 洪雅

黑水波濤天地浮  
葉榆城郭俯江流  
千重花樹日銜嶺

一片丹青人倚樓  
絳雪自消龍洞暑  
白雲橫閣鷺山秋  
分明不似人間世  
天縱先生作冶遊

中和山

即點蒼  
中峯

方 沆 見前

靈鷲西飛去不還  
名山今喜共躋攀  
異時形勝標中嶽  
竟日烟雲帶二關  
霽雪遠浮青嶂外  
泉聲亂落翠微間  
相看鞅掌風塵色  
願借禪房半榻閒

西華洞二首

巖高遙出碧雲隈  
勝日同心載酒來  
幽澗暗通春水細

平川晴映夕陽開  
招尋石室金光草  
徙倚仙人白玉臺  
天畔不能祛物役  
移尊處處坐莓苔

名山有洞鎖烟霞  
出郭尋芳白鼻騮  
石乳參差垂玉樹  
丹臺宛轉吐蓮花  
倒看絕壁雲疑墮  
坐嘯千林日未斜  
共惜春光漸流轉  
何妨歸路集城鴉

署中望點蒼山

李本固 見前

客散庭空吏事稀  
望中山色轉霏微  
一雙眼界清如許  
十九峯頭翠欲飛  
片片浮雲寒入座  
泠泠流水潤沾衣

何當拄杖藤蘿外會有仙人跨鶴歸

一塔寺

謝肇淛

見前

靈鷲西飛積翠來阿王孤塔尚崔巍半巖雪照雙林曙  
上界鐘催萬戶開天際葉榆衣帶水雨中禾黍錦雲堆  
憑虛未盡登臨興更上翻經百尺臺

姚安道中

鄧 漢

見前

山霧四塞烟霏微林深箬密行人稀蜻蛉川北日初霽  
弄棟城頭雲亂飛映水鳧菰故寂歷迎風雀麥相因依

故鄉節候復誰記五月南中猶袷衣

過華亭寺讀方子及碑

鄧原岳

見前

載酒尋僧席屢移春山何處不相宜琉璃影散天花落  
金碧光搖法鏡垂地近西方開竺國煙消下界瞰昆池  
棲霞片石應堪語苦憶南朝江總持

同宋侍御遊法華寺

御史

楊師程

安寧

蘭若閒閒看夕曛芙蓉片片削青雲山迴龍馬蠶腰合  
水帶螳螂燕尾分鳥跡千重神禹篆鷲頭六字梵僧文



登車乘興來遊此勝賞還應屬使君

蒙化道中

任有齡

乘輶秋淨過山城薄試新羅日正晴  
路入雲中懸石磴水從林杪落溪聲  
霜清木葉猶餘翠鴈斷寒空欲自驚  
詢問古來蒙詔地慚無文檄諭蒼生

武侯祠

陳儒祥

孤祠寂寞倚空山俯仰乾坤感慨間  
漢賊未亡終兩立將星不墜肯偏安  
叔間氣追三代遠著威聲鎮百蠻

仰止不勝興寤嘆白雲漠漠水潺潺

巖洞

提舉  
何惠石屏

萬壑逶迤天際來歸墟近在白雲隈  
波通漲海暗吹霧谷轉盤渦盡起雷  
珠窟夜光搖砥柱石幢寒影護仙臺  
風湍咫尺烟霞隔悵望碧桃花自開

秋日遊湧泉寺

布政  
郭棐番禺

天開寶剎凌雲出地湧珠泉抱寺流  
龍氣光銜祇樹曉鶯花紅映綺園秋  
共凭罨畫調鸚鵡醉倚闌干望斗牛

笑問巖前飛瀑水幾時還作曲觴遊

登呈貢望海亭

提學 范允臨 吳縣

他鄉寥落獨登臺夜月琉璃玉鏡開  
蜃氣曉侵青嶂合山形羣擁翠鬟來  
行杯落葉窻前度孤鷺哀鴻天際回  
漢武樓船空想像只今誰是濟川才

題姚關清平洞

參將 鄧子龍 江西

洞裏神仙洞外村清平不問舊將軍  
映溪楊柳依依綠滿岸桃花灼灼春  
醉酌幾杯消白晝閒拖一帚掃浮雲

圍碁未了千年局倦展諸夷納貢文

九日登萬仞岡

邊關不見白衣來萬仞岡頭獨舉杯  
西望白雲遮落日南來蜃氣出樓臺  
自憐短髮酌殘骨誰說長纓負將才  
何處西風催鐵馬敗髀衰草不勝哀

蕩山海光樓

彭繼作

天外凭欄眺遠空四圍煙靄挂晴虹  
檣頭海色連蒼麓日脚峯陰過洱東  
雙樹獨棲香界鶴千山不過塞雲鴻

徜徉亦自狂歌發豈為關河嘆轉蓬

過雲龍準提閣

廖楚良 建水

脫略紅塵坐翠微山桃爛熳趁春肥江頭棹月客來訪  
鹿苑封雲僧未歸藉草靜嫌溪聒耳入花晴愛雨沾衣  
果真遲我十年約丹竈詩瓢願不違

鳳城

朱繆

山留彩鳳三峯峙烟火雲連一萬家極目江臯環錦軸  
半空樓閣倚晴霞長橋翠拂風前柳小市紅酣雨後花

何處尋芳歸去客滿城明月弄琵琶

本朝

曲靖道中

姚文燮

見前

暫假黃堂館玉麟木容山色愧勞薪月明古廟歌梁甫  
雨剝殘碑拜黨人白水魚稀空置驛瀟湘鴈杳豈通津  
西來繫馬鞍全濕纔近秋光瘴癘身

開化雜詩

巉巖終古最窮邊鳥道懸空密箐連何處烏蠻非赤子

難教黑水界青天土司舊長雄三部王會新開僅七年  
愧比相如持使節差能詞賦壯山川

登獅山和韻二首

知州彭蠡上元

春晴載酒過巖阿鳥道紆迴亂石多十室散依新壁壘  
諸峰高掛古烟蘿山連越舊雲常黑水下金沙海不波  
老檜那知僧入定虬龍風起怒相摩

郭外青山十里遙凌嶒天際插孤標千崖樹色晴看雨  
萬壑松聲夜聽潮早燕忽來飛鼠岸春鶯啼亂掌鳩濤

幾年勾漏思投劾，賴有真僧伴寂寥。

長至圓通寺賀

萬壽

按察許纘曾華亭

梵王樓閣倚長虹，貝闕金幢象輅通。  
玉洞乳垂巖笋綠，霄梯雲湧石蓮紅。  
幾盤天界春回磴，百尺濤聲翠捲空。  
為報山呼松下出，萬年佳氣隱青葱。

遊蕩山

徐崇岳見前

萬壑松陰送夕暉，偶從方外息塵鞿。  
石留古雪寒千丈



松記前朝大十圍愛馬支公翻入貢上書賈誼幾曾歸  
高臺自有龍文氣時帶前川風雨飛

觀音巖

知府張聯箕益都

攬勝層巔擁翠微諸天環拱日重暉泉光浮動蒼蘿徑  
山意低垂白板扉萬樹鳥聲藏葉囀半巖花雨逐風飛  
公餘得覓幽棲境竹塢雲深僧自歸

登陞山遊鐵封庵

范承勳見前

試馬陞山帶雨過還登絕頂探雲窩昆池波靜銷兵氣

爨落烟生釀太和百雉望中雙塔小萬山孤處一僧多  
邊臣戀闕頻搔首直欲乘風振玉珂

于鼎臣方伯許元功廉訪王劼庵吳在公兩觀察

招飲五華山

侍讀  
典試李澄中諸城

徑轉松林入翠微五華遙映白雲飛山浮嵐氣來杯酒  
風動湖光上客衣百戰關河餘舊壘孤城烟火半斜暉  
憑高莫起尊鱸想聊慰他鄉一醉歸

登太華寺大悲閣望滇池

時制府范  
公招飲

香臺高擁萬山平，無數烟雲澗下生。  
杯底嵐光浮太華，檐前秋色挂昆明。  
空餘戰壘悲戎馬，似有霜風動石鯨。  
我醉欲留歸去晚，湖中鷗鷺棹歌聲。

遊溫泉作

安寧城下木蘭舟，秉燭攜筇嶺上頭。  
檻外螿螂孤鏡曉，樓頭風雨萬山秋。  
埋雲古洞層層轉，繞屋溫泉細細流。  
信宿碧峯還別去，清樽歌管莫相愁。

歸自龍泉觀道中紀興

斜日陰陰照野田青浮麥隴細生烟虹山遠勢斜連蜀  
龍渚分流盡入滇柳色孤村宜雨後梅花十月似春前  
明朝擬別千峰去回首同遊已判年

昆明懷古

吳自肅

見前

略地曾聞楚將雄苴蘭遺跡草湖東五華禾黍寒烟裏  
雙闕樓臺暮靄中望祀虛傳神可致疏流時見利無窮  
只今高眺螺峰上惟許長歌醉碧筒

曲靖懷古

經年底事已蹉跎使節重來感慨多郡吏書成新歲月  
越人盟會舊山河浪間檢校城何在虛說亭侯業不磨  
獨有龍門碑髣髴臨風憑弔一摩娑

臨安懷古

煥文積翠傍樓開倚檻能令客思哀衰草離離旌義塚  
寒烟漠漠讀書臺烏麼地自元和闢建水名從惠厓來  
誰作當年三洞記臨風飛越幾徘徊

澁江懷古

鳳儀山麓峙孤城入望仙湖照眼明  
漱玉草迷丞相墓  
雲龍烟閉武鄉營  
菜花曾許遊人醉  
華藏還臨浦水清  
憑弔無從探往牒  
細將遺事問諸生

大理懷古

西南竒勝滿梁州  
滄洱雄封控上游  
張盛傳經開禮樂  
段蒙闢地自春秋  
獻花逸事高三塔  
寫韻才名壓十樓  
祇有窮兵天寶恨  
萬人塚畔草含愁

永昌懷古

隆城雉堞倚雲開  
闢地曾經漢使來  
三齒烟霞隨劍佩  
五城風雨入樓臺  
翻書尚見功曹檄  
謫戍誰憐太史才  
祇覺頻年兵火後  
凋殘滿目動人哀

拜楊莊介先生像

丁

焯

見前

伏闕批鱗事已遙  
長存面貌枕山椒  
賈生痛哭終辭漢  
韓愈文章半在潮  
名世通家新蒞藻  
風流遺像秀蘭苕  
從知浩氣歸天表  
空向滇雲續大招

臨陽紀事

內屬猶聞記漢年  
昉町風物甲全滇  
地經戰伐仍千戶

人沐詩書憶二賢

明王景常韓宜可二公謫此文教始開

赤仄舊通交趾

賦

交人所用皆中國制錢

烏蠻新罷保頭錢

魯奎野夷橫索村民名保頭錢近土夷受

職此風稍息

清和氣候鄉關似  
蚤愛荔枝鶴頂鮮

行經卜門表羅諸山

知府

盧

詢

景陵

晨夕休嗟逐客星  
勞勞南北屢曾經  
瀑飛雪練千尋白  
峯散芙蓉萬點青  
絕壁苔痕封鳥道  
密雲雨氣帶龍腥  
行車羅拜諸蠻獠  
六詔功成看勒銘



容光寺

馬度諸峰問法華  
水流曲曲抱晴沙  
山迴古殿雲生壁  
樹老危巖路盡花  
佛面一燈塵夢破  
蒲團半偈夕陽斜  
眼前便是西來意  
笑看祇園噪晚鴉

雞足山

布衣朱昂  
昆明

地擁三峯萬里來  
天迴一逕迴崔嵬  
洗心橋向雲中度  
華首門從定裏開  
石印金欄存古色  
霜侵銅瓦蝕蒼苔  
夕陽欲下鐘聲動  
夜半光生禮佛臺

丁酉棘闈中秋

巡撫甘國壁奉天

雨過螺峯秋院涼一輪冰玉映虛堂

監臨所居曰冰玉堂

羽觴共

泛葡萄酒綵筆爭傳翰墨香露濕長松凝晚翠風搖叢

菊對寒粧

滇中桂菊同開

遐陬喜際人文盛收得佳篇滿印床

聞山畔夷歌

總督

高其倬奉天

長鑱短笠上山腰啁哳歌聲雜裸苗市物場占雞鼠日  
燒畬麥種苦甜菽漁樵穩處心應定烟火稠來瘴旋消  
好趁昇平事安養字民有職慎科條

觀風日示諸生

鄂爾泰

見前

昔年濫奉掄才使此日重為撤幕行五色暫迷慚水鑑  
一壺長抱矢冰清登庸衣鉢殊間事風雅權衡是後生  
莫向茂陵誇賦手漢廷老輩重遺經

丁未除夜有述

制滇二載矣殊綸疊錫小補鮮功眷念  
封疆不勝悚仄聊賦長律用誌感慨云

稠複恩光降會城二年慚懼夜魂驚仰惟寸赤酬榮忝  
上有穹蒼鑒悃誠教化未能殘殺在舟車不至貨泉輕

蠻荒萬里籌經遠終恐疎才負 聖明

戊申元日有述

元旦令節朝罷值早餐念出征將士不復能下  
身膺重寄地接百蠻意本宣仁形似黠武數十年  
後制滇黔使者或不免有事苗獮應念茲前事殊  
不得已也如云在昔制夷惟事羈縻又政先教化  
威力非所施余德薄才疎猶  
無能幾此用當自訟自強爾

春盤椒酒薦諸兒佳景當筵忽不怡川島霓旌交發曼

茶山鐵騎奮窩泥

發曼島名東川屬接連武定祿勸係  
祿首據險處窩泥獮獮雜種獷悍橫

恣將貽後患故  
乘期勾當云

烏奴未滅難朝食赤子何辜忍後期萬

戶千門家慶日劇憐將士飽艱危

秋七月貴筑咏懷之二

重華復旦爛雲津

滇南五色雲三見雲津橋名

薙髮駢肩祝

聖人

知有越裳能貢獻

老撾國即古越裳氏時備象入貢乞內附

忍教莽緬不尊

親

莽緬皆外域國名茶山之役一遵檄令効恭順

江連阿墨烽長炮

阿墨江屬元江府由

車里通諸外域

水帶披沙土是塵悵望西川涼冕路癡頑黑骨

幾時馴

涼冕川屬二山名界連烏蒙綿亘數千里黑骨頭諸蠻獷悍不受制蜀將議於披沙建小營意

欲擒控殊非扼要所也

返滇抵嵩明海潮寺有述

東土由來只彈丸西歸剎那住蹢躅多情水惹雲千疊

有節秋閒竹萬竿圖畫天然臨碧海寺額天然圖畫叢林自在

倚青巒塵勞暫憩翻知悔不作狸奴白首看

羣官和過海潮寺詩用原韻申意

關塞原如視掌丸韓維詩卻視關塞廣有如掌中丸跛行終許笑盤跚

盤散亦作盤跚見索隱常因暫寄三生石歸計難投六尺竿歸投六尺

竿考亭句秋水雙旌驚翠羽斜陽疊樹帶纓巒纓巒帶身見水經注身

名到底都塵土留與閒人袖手看

和少保鄂公過海潮寺元韻

常安

見前

六幕雲開日一丸盤行石磴足蹣跚綠塵不動山千疊  
碧色無痕水幾竿滿地斜陽歸遠樹多年古剎倚層巒  
天然圖畫幽閒境勞客今從馬上看

大水城

知縣

王孫熊

石屏

乘槎幾度泛滄溟烟水茫茫島嶼青萬頃湖光飛野鷺  
一泓淺水落蜻蜓銀盤箸下蓴絲美小艇風過漁網腥

好景流連歸去晚  
閒亭月上酒初醒

異湖三島

檢討何朗  
石屏

蓬萊樓閣五雲間  
中有仙人物外閒  
一笛何年開玉鏡  
扁舟此日共烟鬟  
川分九曲魚龍國  
島列雙城大小山  
我欲持書招舊侶  
會須買酒醉蒼顏

渡瀾滄江

田榕  
見前

長虹百尺并槎浮  
博望真誇萬里遊  
要隘地矜三齒險  
承平人散入關愁  
江於上下疑無底  
天到西南欲盡頭



黑水眼前驚此是山川應是古梁州

重建瀘江橋成

教授夏冕  
昆明

幾載心驚利涉窮而今徐步俯蛟宮  
何須駕羽乘烏鵲  
疑見吞江下渴虹  
原隰膏流蒼靄外  
往來人渡綠陰中  
崔公去後橋猶在今古同誇不朽功

仙人石室

舉人王珽  
寧州

鑿開混沌幾經秋  
石上雲生翠欲流  
仙客不來丹竈冷  
海天長入鏡光浮  
窻低萬頃看舟渡  
檻小青山愛月留

此去蓬瀛真有路  
幾人曾到洞中遊

五言截句

明

漾備道中

童軒  
見前

流水黠曲響亂山  
重疊橫行天欲曙  
立馬看雲生

宿鄧川驛

翰林  
謫戍彭綱

風走落葉聲山犬  
吠不已披衣夜出  
戶明月照溪水

平糞道中

何景明  
見前

崖懸雲自薄山小路仍斜古栢蒼松裏參差幾樹花

江村

木

公見前

江上層雲合村村結暮陰漁燈半明滅風雨葦花深

病起

臨鏡新梳髮呼兒捲幔紗平生行樂慣病起即看花

湖中遇雨

嚴

清見前

太華雲凝蓋中流雨打船漁翁伏簑卧安穩下長湍

本朝

海山亭

知縣程封江南

前山雲起處烟雨正來時亭下歌聲響漁翁理釣絲

署中曉起

常安見前

殘月猶依樹清華露欲濡一聲鐘出寺宿鳥起相呼

桃花筍

知縣何其偉石屏

桃花掩深徑幽期在何許行行忽自聞隔溪有人語

七言截句

唐

南詔赤藤杖

散騎  
常侍裴夷直 河東

六詔南滕色似朱  
拄行階砌勝人扶  
會須將入深山去  
倚看雲泉作老夫

哀蜀人三首

雍陶 見前

大渡河邊蠻亦愁  
漢人將渡盡回頭  
此中剩寄思鄉淚  
南去應無水北流

越舊城南無漢地  
傷心從此便為蠻  
冤聲一慟悲風起  
雲暗青天日下山

雲南路出洱河西毒草長青瘴色低但漸攀躋漸披豁

一時收淚聽猿啼

一本作漸近蠻城誰敢哭一時收淚羨猿啼

元

過果苴浪

清遠居士

山路陰陰木葉涼山村八月稻初黃  
野花零落斜陽淡  
隔澗人家煮酒香

明

鳳羽詞

鳳羽山名

御史 謫戍施

武無錫

鳳羽低連鄧睽川山頭流水屋邊田額尖新樣姑姑帽

五月羊皮帶汗穿

鄧睽詔名姑姑帽滇人皆以羊皮繫額寒暑皆披

街子詞

滇中作市曰街子以辰亥戌未日為期

豬街纜罷又龍街蠻女牽羊入市來背上擔兒嘗慣負

胭脂落盡小桃開

土官出山詞

土官惟叅謁官長始冠帶居常但用卓綾青布裹頭

嗚嗚牛角滿山陂腰下橫刀弩箭隨雜部椎頭皆束帛

卓綾纏額長官司

煮鹽詞滇中鹽井四惟黑白二井稅課甚多餘不及焉

使君不及鬱林廉舊例逡巡新例添白井爭如黑井好

一觔水煮半觔鹽

歸化詞

滇中山茶天下第一惟歸化寺者其本合抱花大如孟國初以前物也往來宦遊羈客畱別交好至此莫不墮淚

鴛鴦夢斷綵樓空馬首蕭蕭故向東歸化寺前多少淚

年年三月蜀茶紅



麗江詞

麗江府即古笮國地也地寒五穀希少惟產良金  
毛布之類方伯用貢金必索其直從來直指公皆  
不按其地聽之而已人皆耳  
上貫環好衣紅與西域相類

麗江水繞雪山寒郡縣羈縻異國看千里羅些地名無貢

賦黃金有價不輸官

永昌詞

永昌故哀牢國也國初流配獨多吳人  
故語言風俗宛似南都為滇之首郡

漢武窮邊開永昌哀牢部落散丁當流人不學花蠻語

城郭風烟半建康

寶井詞

寶井在姚關萬里外非容易至販寶者止於緬中交易緬中多瘴癘除三冬與初春通夷者不敢出

緬中花落滿蠻山千兩鴉青馬上還寒食雨飛防瘴癘

漢人不敢出姚關

鴉青寶名時適有是寶重一兩三錢價三十貫

賣雪詞

大理蒼山雪六月不化市上女郎賣之猶吳下之賣冰也

雙龍關裏百花香銀海逶迤抱點蒼六月街頭教賣雪

行人錯認是瓊漿

飲春會

木公見前

官家春會與民同土釀鵝竿節節通一匣蘆笙吹未斷  
蹋歌起舞月明中

春遊即事

綫狻緩拽紅氍膩叱撥頻嘶綠巷深踏柳穿花還未遍  
夕陽又抹樹頭禽

種柳

雙楊初種幾經春始見長條已拂塵萬里綠陰堪作幃

一枝不許贈行人

自通海江川之澍江贈王鈍庵竝董西泉繆碌溪

二首

楊慎

見前

通海江川湖水清與君連日鏡中行孤山一點衝烟小  
何羨霞標挂赤城

海螯江蟹四時供水蓼山花月月紅自是人生不行樂  
蓴鱸何必羨江東

西郊即事四首

張佳印

見前

爭覩元戎事北征  
滇中男女亦傾城  
逆首久渡金沙水  
萬馬翱翔海上行

龍旂閃閃落霞紅  
鵲印纍纍大斗同  
漫向軍容誇壯士  
從來軒鶴可臨戎

將軍世業舊登壇  
秋色蟬文擁大冠  
幕下紛紛齊擐甲  
不知誰似漢材官

中央元纛指清秋  
夾道黃花照紫驕  
豹略虎頭俱莫問  
生來萬里坐封侯

金齒道中三首

叱馭何知鳥道難  
無名花向野林看  
雪山飛瀑雲齊落  
多少征人五月寒

橫嶺雲盤石澗多  
芙蓉隨杖轉嵯峨  
泉聲百道凌天出  
散作西南九渡河

漾備江深江草齊  
江花開處鷓鴣啼  
博南矯首青堪摘  
霞氣猶懸萬嶺西

感通寺

李元陽見前

渺渺寒山獨自遊，松青月白卻相留。  
一聲長遂知何處，吟落江門一派秋。

秀山

林維尚

曲折峒堯百丈懸，振衣人在碧霄邊。  
江山一望青難畫，城郭依依入晚烟。

湧泉寺二首

鄧原岳

見前

一徑青山十里遙，白雲谷口坐相邀。  
不須訶殿驚村女，拄杖前頭只酒瓢。

新釀真成竹葉青  
一罇相對共沉冥  
芒鞋踏遍雲山路  
笑倚山頭木末亭

榆城聽角

釋天祥

十年遊子在天涯  
一夜秋風又憶家  
恨殺葉榆城上角  
曉來吹入小梅花

滇曲

釋普荷  
晉寧

界入南滇迥不同  
一年天氣半西風  
杜鵑聲裏春猶淺  
吹遍人家落葉紅



天生橋倚怪石激水成珠鬚辨宛然昔有人題為  
不謝梅因賦

尋春莫問路高低根蒂從來不染泥寄語浩然休浪踏  
盪舟輕穩過驢蹄

本朝

哭黔國公沐天波

時為緬首所殺

陳佐才

蒙化

戰馬嘶歸還漢地將軍枯骨在蠻城招魂惟有沙洲水  
日夜烏烏作哭聲

龍淙雜詠十首

范承勳

見前

筇竹寺後荒嶺起伏無次出樵徑數里四山巖嵒  
中得平地如掌龍泉一泓瀉入巖洞蜿蜒乃出放  
為碧流數十折奔別洞注地為湫聲善恐人相傳  
神物蟄焉理或然也跬步閉洞凡四五石樓窈窕  
若蜃氣吹空而幽折靚峭疑此中別有天地又荒  
蕪蔚蒼鳥韻都絕唯洞房環珮玉聲璆然俄而琴  
筑互咽笙鏞迭奏紆徐卻導暨乎巨響忽發歌鐘  
噌吰鼉鼓匉匉而衆音亂矣與諸君子顧而樂之  
為商創數椽置守焉但茅茨石梁不損天趣雜樹  
松卉繁衍以間其間林石布列尤詭喬莫狀爰擇  
其偉樸者二命為長俾以部署羣石曰屋曰樓曰  
溪此構之天者也以庵以亭以橋此續之人者也  
若石今始有名此天人參者也夫自洪荒來不知  
幾年歲矣無傳聞亦莫適主者固棄於人而得全

於天者乎抑造物自祕惜以有待乎乃以不  
意遇何奇也物各予名名各予詩以誌之

偶步何心訪玉真欲捫牛斗上星津胡麻卻怪老何處

各有臨流笑語人

龍淙  
石屋

瘦骨玲瓏玉珮寒幽琴鼓咽冷珊珊晴空暗逐長虹竄

天巧偏將俗眼瞞

聽瀑  
樓

夜掩柴扉偶誦經無端喚出古龍聽墨花飛處文章大

寫向虛空字字靈

墨雨庵  
時早命雨

昔一師誦經龍夜往聽講  
以乏水辭師指硯池水借

之俄大雨霑  
足雨皆帶墨

誰家亭子把茅茨折竹還他曲木支  
席地幕天真快意

旁風上雨亦何疑

亭 一草

撥雲攜杖費追尋驚觸乖龍入洞深  
人自直腸溪自曲

愚公活水兩無心

宛轉溪

紅是花光碧水光落花襯石石生香  
隔溪若有吹簫伴

何必天台訪石梁

石香橋

無言屹立不成眠來自媧皇紀號年  
深夜月明呼影語

料應袖舞作狂癡

癡丈

平泉醒酒鬱林廉畢竟胸中有滯沾爭似此翁長坦腹

更無些事上眉尖

卧石

鴈宕分來一片山搜竒謝客未經攀偶從西域逢東谷

別有靈湫祕此閒

小龍湫

驚濤澎湃瀉空來立石分明灑瀕堆聞道三巴通禹鑿

曾從蠻落把天開

小巫峽

送客還金陵

張以恒

一聽驪歌倍黯然臨歧無物贈君還飽餐十九峯頭雪

好過江南六月天

交水

史申義

見前

屋連菰苻水拖嵐樹杪漁舟出兩三一片清波皺玉冷  
絕憐烟景似江南

板橋驛

十里寒山草樹彫津亭風起酒痕消曹騰記得來時路  
秋雨秋烟過板橋

煉洞曉發

黃元治

見前

青林窈窕白霜寒未到雞山已百盤行過拈花頭一寺  
老僧無語種春蘭

平山

盧詢見前

平山一帶野雲長烟雨孤村暮色蒼六幅南宮圖畫裏  
不須好景說瀟湘

撫署亦可園雜詠二首

甘國壁見前

碧雞金馬鎖雙關坐擁貔貅撫百蠻較射歸來明月上  
鶴鳴庭院自間閒

古柏陰中結一椽四時佳景足流連到來人盡疑非屋  
只道維舟花岸邊

題大理石十首

高其倬

見前

南徼提封帶百蠻家家在翠微間點蒼石最諳鄉土

不繪平原祇繪山

層巒疊嶂者

林角纔聞布穀聲東風蚤已促春耕吹來朝雨仍吹去

更放前谿一崦晴

山雨初霽者

峰峰拔地竝千尋膚寸生雲便作霖都入太虛容載內



不齊吹萬付無心

羣山傑立者

記取風光何處似秣陵春雪未晴時誰知濕靄濃雲裏

中有梅花一萬枝

雪意未晴者

一白廬峰三百里曾騎生馬到其間於今卻曳紅藤杖

偎小屏風看雪山

雪峯千仞者

幾縷晴烟抹翠微東臯巖壑是耶非天涯自白年年鬢

綠遍鄉山春又歸

碧岫微烟者

水清石瘦便能竒恰是東坡居士詩况復雨餘雲破處

更當江上月圓時

水石雲月者

白雲橫鎖碧山深似有仙源逕可尋擬覓漁舟問消息

且憑流水洗機心

雲山有逕者

燒痕漸沒草痕新淺碧輕黃染未勻最是年光剛好處

溪山消息入初春

淺綠微黃者

山影一痕眉倒暈水光萬頃練平鋪惠泉亭畔煎茶後

憶得峰頭看太湖

孤嶼平湖者

勸農八首

天章垂象麗昭回萬里  
宸心念草萊行者勤農頻奉  
詔尚書親為課耕來

千畦碧毯稻初抽龍尾車鳴澮水流從識太平真氣象  
綠蓑黃犢遍青疇

柳外烏烏拍手歌耕餘小憩坐坡陀誰知不按宮商處  
一段中聲近太和

荷筥嘻嘻婦逐姑饁耕南陌走相呼破衣敗笠偏珍貴  
堪入風謠與畫圖

高壑山巔下水湄白頭田父跪陳辭  
五風十雨三時順  
始是殘年飽飯時

隴畝今年異  
去年東隅荒棄種  
西偏刀耕爭敢遺餘力  
滇土原多歇歲田

力穡今年倦  
入城疲氓怕聽打門聲  
但教守令平徭訟  
不下衙堦已勸耕

漫因作苦輒嗟吁  
勞力原非賤  
丈夫說與青箱呈種事  
耕犁  
天子歲親扶

登安阜閣望金馬碧雞山

鄂爾泰 見前

碧雞金馬神仙窟  
踏月梯雲結構牢  
欲躡塵踪訪靈跡  
漢廷舊已薄王褒

西郊觀禾四首

青梭白板度紅旂  
一抹黃雲海樹交  
料是田家炊豆粥  
濕烟細縷挂林梢

菽麥登場稻偃膝  
茅絢初引架溪稜  
坡田水牯蕭閒在  
米熟行將問老能

手鎌腰索正息息  
賽鼓偷搗拾穗童  
笑問老農親向說  
今年尤較去年豐

對掌千家枕水居  
誰從海上見鱈魚  
果蔬麻菽皆熙景  
不比尋常當喜書

二色蓮又名鴛鴦合樹  
駢花紅白各半殆異種不  
恒有也盆池中得二本羣  
尤以為瑞因作二截  
句志之

濯錦籠烟乍見疑  
兩般顏色一莖垂  
吟花莫泥漁洋叟

不似紅兒對雪兒

阮亭句花似紅兒對雪兒

漢臯雙女竝肩長  
又見徐孺半面粧  
若使霍家池上有  
不應水底鬪鴛鴦

次韻秋海棠四截句

古屋牆根一抹勻  
朱絲半軀泥苔茵  
誰能更憶香霏閣

又手齊吟八月春

秋海棠一名八月春香霏閣  
昌州郡守花時延賞所也

猶憶春前睡起遲  
捲簾側卧挹仙姿  
碧雞坊底今重面

不似南充乍見時

南充樊亭看海棠豈知更有碧雞坊  
放翁句也滇碧雞坊在城南二里

雨泣烟愁舊是家香肢無力倚屏紗阿誰重按宣和譜

寫入秋窻沒骨花

宣和畫譜徐熙有沒骨海棠  
意惟秋海棠雅稱斯品耳

一髮輕紅淡欲沉雨餘庭院和愁吟秋孀莫恨梅花約

許聘西廊白玉簪

燕子崖聞猿

按察  
馮光裕代州

蟲蟲青山漠漠雲中間一線劈天分行人已不堪回首

更對哀猿叫日曛

滇南雜詠三十首

督學  
吳應枚烏程



迎年治具盍朋簪圭竇光微屋宇深待覓穉穉姚楚遠

清香滿地灑松針

新正元旦民間採松針鋪地以代穉穉名曰松衣姚安楚雄出花甌紅章

白質燦然可觀

掛簽五彩當門颺對幅雙題比戶封晨起炷香酬祖德

家家街植兩科松

歲首鏤彩紙或結成毬懸門額名曰掛簽斫松枝高丈餘夾植門外插香

松上以迎祖考

潑眼花光處處皆不留缺地巧安排緣滕綠甌金網纂

壓瓦黃森石斛釵

金網纂綠色無枝葉似仙人掌而方刺密有毒用代籬落金釵石斛性喜

燂植屋上  
更茂盛

梯田百級計雙耕曲直高低地勢成芒種未過秧出水

山農日日聽雷鳴

梯田以高下形似名候雷雨而栽故又曰雷鳴田傭工力作不計畝計工

謂之曰雙亦  
耦耕之意

碩果何曾墮雪霜樹頭數載歷青黃餉君佛手柑如斗

漉取珠槽半瓿香

佛手柑有歷四五年者取以釀酒味香辣

井酒煎熬抵海沙釜形半破或如瓜年來醞政清於水

無復心驚普洱茶

迤西率多鹽井煎熬成塊普洱茶舊頗為民害今已盡行革除矣

斤斧難施旦旦樵山根綠樹達山椒無端野燒燔空起

遮莫來年好種菽

山多雜木今歲燒荒明年始可種菽所謂火種也

寺前白塔卓三錐禪室叢叢徑委蛇繞盡周廊多古碣

黃華手搦老人碑

大理府城多古刹三塔寺最大寺中有金黃華老人王庭筠所書四絕句

碑字極蒼古

榆城士女競喧飀蒼雪三春凍未開鳳眼洞連三塔寺

邀儂十八趕街回

季春十有八日榆城大集百貨皆至鳳眼洞在三塔寺東

螺髻層層辮髮旋黃金耳墜一窩圓孽龍枉羨丰姿美

新製盤雲哈噠氍

舊傳洱海有孽龍能攝人今榆城婦女多戴哈噠氍帽製類雨兜以避龍

崇

云

經傳白馬字全譌烏跡蟲書少磔波垂老夷人知佞佛

齊將鈴鉞佐唧唔

雙夷誦白馬經以祈福文字支離不可辨識

蒼龍互脊稜稜碧峻極中峰未許攀薄暮濃雲深護頂

凌晨積雪滿煙鬟

點蒼中峰高入雲表終年積雪春間氣暖日亭午雪漸消傍晚黑雲蓋山

頂明晨起視積雪  
滿山次日復然

十九峯凹十八溪溪溪溪水漾玻璃崖陰定有潛蛟卧

噴出清流灌稻畦點蒼山有十九峯峯陰十八溪陂田藉以灌溉

宛轉紅牆綠樹縈感通寺在大理府城西產茶曉望蒼佳處試茶鑄望中洱海開奩影

照出山腰玉帶橫感通寺在大理府城西產茶曉望蒼山白雲如帶橫東山腰土人呼為玉

雲帶

到小雲南一水通飄揚血色綺羅叢莫教擔雪街頭賣

剩取琉璃漿染大紅雲南縣俗名小雲南土產細布名洱海紅以雪水染色更鮮艷

雞足名山古道場西來迦葉意茫茫半空雲影明於鏡

法界三千照佛光雞足山在賓川州東乃迦葉道場寺院最多林巒深秀山頂白雲橫空照

見人影洵  
奇觀也

百丈奔湍勢擊撞鐵絙貫石駕成杠驅車徑歷鞦韆板

懸度遙連溜筒江

滇中鐵索橋最多惟保山縣跨瀾滄江者長三十餘丈車馬往來裊裊浮

動溜筒江接滇境懸繩兩岸以渡人馬

西連孟緬障南陞百戰雄風劫後棋獨有方塘一泓水

至今人說易羅池

永昌府界西連孟定緬甸等處乃蒙段用兵之地易羅池在府城西

龍泉門外俛龍泉地湧珠玕帶穿流過水亭成巨浸

芟蒲森森一湖煙

龍泉亦名噴珠在永昌府城西門外水從地湧潄而為湖宛然江鄉風景

掃除伏莽靖蠻烟爨餼輸誠授一廛日暮魯魁山下路

何人敢索保頭錢

魯魁山在普洱境內舊為夷獠出沒之所今已成通衢矣

剝生盤冷佐椒馨佳節星迴味薦腥醉熟松明照田畔

要憑炎火逐蝗螟

六月二十四日為星迴節切生豬肉雜椒薑食之燃炬以多為勝攜照田

滕云可避蟲迤  
東西處處皆然

春溫藹藹四時花當暑無煩御葛紗閒憩柳陰思解渴

賽紅爭劈蜜瓢瓜

滇南之花四時不絕炎夏亦同春令指西瓜辨其紅白以為勝負謂之賽

紅

偕張覲臣撫軍吳穎庵學使倪穉疇張南華兩總  
裁遊近華浦和南華即事口占原韵十八首

總督  
尹繼善滿洲

雨歇寒流亂野溪晴雲遙指碧峯西無波不覺扁舟小  
短纜徐牽過柳堤

遍地西成眼乍明歡歌聲裏午風清年豐自有田家樂  
莫認兒童竹馬迎

一望高低盡海田今秋收穫倍常年秧雞茭笋爭投送



笑說農家味更鮮

落葉蕭蕭拂面飛  
韶光轉眼已全非  
披裘尚覺寒侵骨  
野老人多未授衣

婦子嬉嬉列短孺  
嘉禾搬載滿漁船  
自來邊地農桑貴  
綠柳黃花不值錢

寶藏爭傳出永昌  
纏絲瑪瑙閃金光  
盛朝不尚珍奇

貢琛獻無煩達上方

纏絲瑪瑙質白絲紅宛轉如繪金光閃似水晶俱寶石也

邊隅生齒今繁盛  
簇簇嬰孩裹繡綉  
村媪山農齊襁負

馬前羅拜乞題名

按試迤東經過村堡男婦抱孩童攜紙筆環拜乞名每至擁擠不前

列炬光回學海澄煥文燎火証元燈藜蒿寨是芙蓉鏡

不用扶鸞事可憑

臨安府學泮池深廣名學海面煥文山山頂藜蒿寨夷人所居每當大比

於六月星迴節視池中火影卜鄉薦多寡歷科不爽

竒觀第一推閭洞鬼斧雕鏤未易成真向七條橋上過

仙枰坐隱聽濤聲

臨安閭洞舊名巖洞今名雲津洞深二十餘里廣二十餘丈石乳凝結千

態萬狀內有大河清流奔駛浮橋橫互凡七最深處有石楸枰一石坐具二云係飛仙遊戲處

嗚咽蘆笙和口琴依稀聲調雜南音新腔草稗何許打

莽伏於今盡草心

蘆笙口琴今人樂器其音悽以怨打草釋曲調名男婦皆能歌之蓋取撲

滅醜類

之意

陂陰雨後擷蒙蘂玉版應甘拜下風蕁滑菌香雞蹠美

嘗君兼味耆皆同

雞蘂產蒙自者佳味極鮮美

燃香走病拜蠻宮指按碑文義未通笑向兒夫問何字

悔教雞卜驗維熊

臨安人於元夕炷香拜學宮謂之走百病就香光中摸索碑字以占一年

休咎雞卜用雞

骨為卜夷俗也

巧聯花串理殘粧金步搖垂綴耳璫小繖避人窺半面

一窩雲繞瑞香香

阿迷彌勒等處婦女出門率持小綵  
繖線穿瑞香成串盤髻上云仿宮粧

也

萬頃昆池萬疊山  
澄波倒影照雲鬢  
華峰削出芙蓉面  
仰止心殷未許攀

流水無心解送迎  
湖邊置酒趣初晴  
塵機到此都消盡  
惟有清風滿樹聲

參差掩映一房山  
楓葉蘆花隔水灣  
既說江南相似好

臨風何事憶鄉關

穉疇有憶  
家山句

不辭前席再稱觥對景還期為寫生

南華  
工画誰識詩中先

有画湖山點染任縱橫

曲曲迴廊徑轉幽風帆過影遠來舟烟波更有極深處

坐看游魚共泛鷗

亭有烟  
波深處

使節天南仰斗星文光一色接青冥試看海上筵開日

面面蓬山拱翠屏

縱目軒窗遍十洲欲窮千里又登樓倚闌不敢頻回首

東北蠻烟未盡收

別院清幽一草堂  
臨淵興羨已相忘  
池魚自任閒游泳

密網何人復舉綱

時有獻小魚者

古樹蒼蒼古寺宜  
西風謾謾動虬枝  
扶疎自作干霄勢  
不逐柔楊到地垂

人醉詩成罷詠觴  
迴舟水面晚風涼  
揚帆漸覺湖光遠  
一路寒山翠夕陽

回首依依仔細看  
暮雲遮斷碧峰寒  
烟凝遠浦人歸去  
秋水長天色一般

羣峯拱向五華開  
指點長松天半栽  
佛手香中人笑語  
風吹孤月自東來

清光如畫豁雙眸  
難得同心夜汎舟  
好景分明看不盡

此行誰說夢中遊

南華舊  
夢遊滇

--	--	--	--	--	--	--	--	--



補遺

本朝

登繡嶺大覺寺放雪樓

七言律

吳應枚

見前

誰從峻嶺駕危梯，千仞蒼山勢欲齊。  
晃眼雪光當檻落，盪胸雲影拂簷低。  
塵纓有客能餐勝，覺路何人爲指迷。  
萬疊林巒成繡錯，登臨我亦羨巖棲。

石峯古刹

七言律

古寺懸崖磴道回，石林陰鬱起雲雷。  
風吹黑水排空立

地湧青蓮逐辦開高岸千檣森轉向平疇萬騎割爭迴  
一峯倚閣供題句誰遣飛仙弄逸才

雲南通志卷二十九之十四